



МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ

2022 оны 02 сарын 10 өдөр

Дугаар 9/128

Алтай хот

Г Монголын үндэсний спортын  
VII наадмын зохион байгуулах хорооны  
бүрэлдэхүүнийг батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1 дэх хэсэг, Биеийн тамир, спортын тухай хуулийн 10 дугаар зүйлийн 10.1.5 дахь заалт, 17 дугаар зүйлийн 17.2 дахь хэсэг, Засгийн газрын 2018 оны 183 дугаар тогтоолоор баталсан “Улсын хэмжээний спортын наадам зохион байгуулах журам”-ын 2 дугаар зүйлийн 2.1 дэх заалтыг тус тус үндэслэн ЗАХИРАМЖЛАХ нь:

1. Монголын үндэсний спортын VII наадам зохион байгуулах хорооны бүрэлдэхүүнийг нэгдүгээр хавсралтаар, наадмын удирдамжийг хоёрдугаар хавсралтаар тус тус баталсугай.

2. Их наадмыг аймгийн хэмжээнд 2022 оны 02 дугаар сарын 11-ний өдрөөс 05 дугаар сарын 10-ны өдрүүдэд зохион байгуулж, удирдлага зохион байгуулалтаар хангаж ажиллахыг зохион байгуулах хороо (Ш. Насан)-нд үүрэг болгосугай.

3. Монголын үндэсний спортын VII наадмыг зохион байгуулах хорооны ўйл ажиллагаанд бүх талын дэмжлэг үзүүлж баг, тамирчдаа оролцуулахыг сум, албан байгууллага, аж ахуйн нэгжийн дарга, захирал, эрхлэгч нарт үүрэг болгосугай.

ЗАСАГ ДАРГА

О.АМГАЛАНБААТАР

Аймгийн Засаг даргын 2022 оны  
26 дугаар сарын 11-ны өдрийн 11:00 дугаар  
захирамжийн нэгдүгээр хавсралт

НААДАМ ЗОХИОН БАЙГУУЛАХ  
ХОРООНЫ БҮРЭЛДЭХҮҮН

ГДЗД0042

- Дарга: -(Аймгийн Засаг даргын зөвлөх)
- Орлогч дарга: -(Нийгмийн бодлогын хэлтсийн дарга)
- Гишүүд: -(Аймгийн Засаг даргын Тамгын газрын дарга)  
-(Төрийн захиргааны удирдлагын хэлтсийн дарга)  
(Хууль, эрх зүйн хэлтсийн дарга)  
(Санхүү, төрийн сангийн хэлтсийн дарга)  
(Боловсрол, шинжлэх ухааны газрын дарга)  
(Соёл урлагийн газрын дарга)  
(Ардын дуу бүжгийн "Алтай" чуулгын дарга)  
(Гэр бүл, хүүхэд, залуучуудын хөгжлийн газрын дарга)  
(Нийтлэг үйлчилгээ" УТҮГ-ын дарга)  
(Нийгмийн бодлогын хэлтсийн эрүүл мэнд, спортын  
бодлого хариуцсан мэргэжилтэн)  
(Спорт холбоодын тэргүүнүүд)
- Нарийн бичгийн дарга: -(Биеийн тамир, спортын газрын дарга)  
(Биеийн тамир, спортын газрын ахлах арга зүйч)

—oOo—

Аймгийн Засаг даргын 2022 оны  
03 дугаар сарын 10-ны өдрийн 11 дугаар  
захирамжийн хоёрдугаар хавсралт

ДСА0042

МОНГОЛЫН ҮНДЭСНИЙ СПОРТЫН VII НААДМЫГ  
ЗОХИОН БАЙГУУЛАХ ХОРООНЫ УДИРДАМЖ

Нэг. Нийтлэг үндэслэл:

1. Биеийн тамир, спортын тухай хуулийн 10 дугаар зүйлийн 10.1.5, 17 дугаар зүйлийн 17.1 дэх заалт, Засгийн газрын 2018 оны 183 дугаар тогтоолоор баталсан “Улсын хэмжээний спортын наадам зохион байгуулах журам”-ын 2 дугаар заалтын 2.1 дэх хэсгийг үндэслэн Монголын үндэсний спортын наадмыг зохион байгуулахад энэхүү зааврыг баримтална.

2. Монголын үндэсний спортын VII их наадмын (цаашид наадам гэх) зорилго нь үндэсний уламжпалт спортын төрлүүдийг хөгжүүлэх, хамгаалах, уламжпалт тоглоом наадгайн зан үйл, үндэсний ёс заншил, соёл, соёлын өвийг өсвөр залуу үеийнхэнд өвлүүлэх, сурталчилан таниулахад оршино.

3. Үндэсний спортын наадамд дараах зарчмыг баримтална.

3.1. Аймгийн хэмжээнд үндэсний спортоор хичээллэгсдийн бүх нийтийн оролцоог хангаж, иргэн бүр оролцох боломжийг бүрдүүлнэ.

3.2. Уламжпалт соёл, зан үйл, ил тод шүүлт, цэвэр шударга өрсөлдөөн, тамирчдын ёс зүйг эрхэмлэнэ.

3.3. Зан үйл, соёл, спортын бүтээгдэхүүнийг бий болгох, үндэсний соёлын биет бус өвийг хөгжүүлэх, өвлөн уламжлуулна.

Хоёр: наадмын хөтөлбөр:

1. Говь-Алтай аймгийн хэмжээнд олон нийтийн дунд түгээн дэлгэрүүлж, хөгжүүлэх боломжтой үндэсний спортын 7 төрлөөр зохион байгуулна.

Гурав: ерөнхий шаардлага:

1. Наадмын оролцогч нь 18 сум, 2 тосгоны албан байгууллага, аж ахуйн нэгжийн ажилтан албан хаагч, иргэд хөдөлмөрчид байна.

2. Наадмын 6 төрөлд оролцогчид 2022 оны 04 дүгээр сарын 10-ны дотор, Уран уургач, бугуйлч, эмнэг булгиулагчийн тэмцээнд оролцогчид 2022 оны 07 дугаар сарын 19-ний дотор батлагдсан мэдүүлгийн дагуу баг, тамирчдаа бүртгэж [govi-altai@sport.gov.mn](mailto:govi-altai@sport.gov.mn) хаягаар ирүүлсэн байна.

(Жич: Мэдүүлэг ирсэн баг тамирчдын мэдээлэл цахим бүртгэл орох тул үнэн зөв, алдаагүй бөглөн, компьютерт шивж гарган, баталгаажуулсан байна)

3. Баг тамирчид бэлтгэлийн болон үндэсний хувцасаар жигдэрсэн байна.

4. Наадамд оролцогч нь зуны спортын 2 төрлийг сонгон оролцоно.

5. Тамирчин өөрийн сонголтоор хичээллэж буй клуб, сум, албан байгууллага, аж ахуйн нэгж, хувиараа багаа бүрдүүлж оролцох сонголтоо хийж болно.

6. Наадамд оролцогчид эрүүл мэндийн үзлэгт хамрагдсан байна.

Дөрөв: зохион байгуулалт, хугацаа

1. Анхан шатны тэмцээний албан байгууллага, аж ахуйн нэгж, сумдад зохион байгуулж, мэдээг Биеийн тамир, спортын газарт ирүүлнэ.

2. Наадмыг зуны спортын 6 төрлийг 2022 оны 05 дугаар сарын 12-15-ны өдрүүдэд, уран уургач, бугуйлч, эмнэг булгиулагчийн тэмцээнийг 2022 оны 08 дугаар сарын 01-ний өдөр зохион байгуулна.

2

3.Наадамд оролцох баг, тамирчдын бэлтгэл сургуулилт, байр, хоол, унааны зардлыг тухайн сум, байгууллага хариуцна.

## Тав: шагнал

1. Наадмын төрөл тус бүрт эхний 3 байранд шалгарсан баг тамирчдыг медаль, өргөмжлөл, мөнгөн шагналаар шагнаж урамшуулах бөгөөд 1 дүгээр байранд шалгарсан баг, тамирчдад шигшээ тэмцэнд оролцох эрх олгоно.

## Зургаа: Зохион байгуулагдах спортын төрөл

№	Спортын төрөл	Оролцох тамирчдын тоо	Хугацаа	Нас
1	Үндэсний бөх	Улс, аймаг, сумын цолтой болон цолгүй 4 бөх	V/12	Насанд хүрэгчид (18-с дээш нас)
2	Үндэсний сурын харваа	Багийн харваа: 15 хүн Цуваа харваа: эрэгтэй-1, эмэгтэй-1 Зэв нүүлгэх: эрэгтэй-1, эмэгтэй-1	V/12-13	Насанд хүрэгчид (18-с дээш нас)
3	Урианхай сурын харваа	Багийн харваа: 12 хүн Цуваа харваа: эрэгтэй-1,	V/14	Насанд хүрэгчид (18-с дээш нас)
4	Уламжлалт сурын харваа	Багийн харваа: Эрэгтэй-5, эмэгтэй 3 нийт 8 хүн Цуваа харваа: эрэгтэй-1, эмэгтэй-1	V/15	Насанд хүрэгчид (18-с дээш нас)
5	Шагайн харваа	Багийн харваа: 8 хүн	V/14	Насанд хүрэгчид (18-с дээш нас)
6	Ширээний шагай	Ганцаарчилсан эрэгтэй-1, эмэгтэй-1, охид-1, хөвгүүд-1 (16 хүртэлх насны) Багийн тоглолт: 4 хүн	V/14	Насанд хүрэгчид (18-с дээш нас)
7	Уран уургач, бугуйлч, эмнэг булгиулагч	Уургач-1, бугуйлч-1, эмнэг булгиулагч-1	VIII/01	Насанд хүрэгчид (18-с дээш нас)

oOo